

যুগান্তর

রোহিঙ্গা নারী পেটানোর অভিযোগে গ্রেফতার দুই মাদ্রাসাশিক্ষক

প্রকাশ : ২৬ এপ্রিল ২০১৯, ১২:৩১ | অনলাইন সংস্করণ

👤 আলীকদম (বান্দরবান) প্রতিনিধি



ছবি: ইউটিউব

এ ঘটনা ঘটে।

সামাজিক
যোগাযোগমাধ্যমে
ছড়িয়েছে
মাদ্রাসাশিক্ষক দ্বারা এক
নারীকে মারধরের
ভিডিও।

ভাইরাল হয়ে পড়া
ভিডিওটিতে ওই
শিক্ষককে গ্রেফতারের
দাবি জানানো হয়।

জানা গেছে,
বান্দরবানের
আলীকদম উপজেলার
একটি মাদ্রাসার
টিউবওয়েল থেকে পানি
নেয়ার অপরাধে ওই
নারীকে পেটান দুই
মাদ্রাসাশিক্ষক।

গত ২৩ এপ্রিল
আলীকদম উপজেলা
বাসস্টেশনসংলগ্ন
ফয়জুল উলুম মাদ্রাসায়

পরে ২৪ এপ্রিল রাতে অভিযুক্ত দুই মাদ্রাসাশিক্ষককে আটক করে আলীকদম থানা পুলিশ।


ঘটনার সত্যতা নিশ্চিত করেছেন আলীকদম থানার ওসি রফিক উল্লাহ।

তিনি বলেন, এক নারীকে পেটানোর অভিযোগে মাওলানা মাহমুদুল করীম ও শিক্ষক আলমগীর নামে দুই মাদ্রাসাশিক্ষককে বুধবার গ্রেফতার করা হয়।

ঘটনার পর থেকে মাদ্রাসার পরিচালক শামসুল হুদা সিদ্দিকী পলাতক রয়েছেন বলে জানান তিনি।

এর আগে আহত সালমা বেগম বাদী হয়ে মাদ্রাসাশিক্ষকদের বিরুদ্ধে মামলা করেন।

ভিডিওতে দেখা গেছে, মাদ্রাসার ওজুখানার সামনে হঠাৎই এক নারীর ওপর হামলা করছেন ওই মাদ্রাসার শিক্ষক। এ সময় সঙ্গে আরও এক মাদ্রাসাশিক্ষককে দেখা গেছে। তারা ওই নারীকে তড়িয়ে দেন।



এ বিষয়ে স্থানীয় বাসিন্দা আবু বক্কর জানান, গত ২৩ ও ২৪ এপ্রিল ছিল মাদ্রাসার বার্ষিকসভা। এ উপলক্ষে বিপুলসংখ্যক অতিথির আগমন ঘটবে জানিয়ে মাদ্রাসার টিউবওয়েল থেকে এ দুদিন পানি না নিতে স্থানীয়দের প্রতি অনুরোধ জানায় মাদ্রাসা কর্তৃপক্ষ।

কিন্তু সে অনুরোধ উপেক্ষা করে মঙ্গলবার সকালে প্রবাসী আহমদ শরীফের ছেলে মোহাম্মদ আলম (১৯) মাদ্রাসায় ঢুকে মোটরের সুইচ টিপে পানি উত্তোলন করতে গেলে ছাত্ররা বাধা দেন ও তাদের মধ্যে বাকবিতণ্ডার সৃষ্টি হয়।

এ সময় মোহাম্মদ আলমকে চড় মেরে তাড়িয়ে দেন মাদ্রাসার পরিচালক মাওলানা শামসুল হুদা। খবর পেয়ে ছেলেকে পেটানোর প্রতিবাদে মা সালমা বেগম (৩৮) সেখানে উপস্থিত হন এবং মাদ্রাসাশিক্ষকদের সঙ্গে বাকবিতণ্ডায় জড়িয়ে পড়েন।

এ সময় দুই মাদ্রাসা শিক্ষক ওই নারীর গায়ে হাত তোলেন ও তাড়িয়ে দেন। নারীর ওপর শিক্ষকদের এ হামলার ভিডিও করেন অনেকে। পরে তা ফেসবুকের মাধ্যমে ভাইরাল হয়।

বিষয়টি দুঃখজনক বলে মন্তব্য করেছেন বান্দরবান জেলা পুলিশ সুপার জাকির হোসেন মজুমদার।

এদিকে দুই শিক্ষক গ্রেফতারের প্রতিবাদে মাদ্রাসার বার্ষিকসভা বাতিল করা হয়েছে।

স্থানীয়রা আরও জানিয়েছেন, অভিযোগকারী সালমা বেগম এবং তার স্বামী রোহিঙ্গা নাগরিক। তারা দীর্ঘদিন ধরে অবৈধভাবে আলীকদম এলাকায় বসবাস করছেন।

তাদের অভিযোগ, ঘটনার দিন ছেলেরা মাকে উদ্ধার না করে নিজেরাই ভিডিও করে এবং তা ফেসবুকে ছড়িয়ে দেয়।

ভারপ্রাপ্ত সম্পাদক : সাইফুল আলম, প্রকাশক : সালমা ইসলাম

প্রকাশক কর্তৃক ক-২৪৪ প্রগতি সরণি, কুড়িল (বিশ্বরোড), বারিধারা, ঢাকা-১২২৯ থেকে প্রকাশিত এবং যমুনা প্রিন্টিং এন্ড পাবলিশিং লিঃ থেকে মুদ্রিত।

পিএবিএক্স : ৯৮২৪০৫৪-৬১, রিপোর্টিং : ৯৮২৪০৭৩, বিজ্ঞাপন : ৯৮২৪০৬২, ফ্যাক্স : ৯৮২৪০৬৩, সার্কুলেশন : ৯৮২৪০৭২। ফ্যাক্স : ৯৮২৪০৬৬

E-mail: jugantor.mail@gmail.com

© সর্বস্বত্ত্ব স্বত্বাধিকার সংরক্ষিত ২০০০-২০১৯ | এই ওয়েবসাইটের কোনো লেখা, ছবি, অডিও, ভিডিও অনুমতি ছাড়া ব্যবহার বেআইনি।